



Guuttaa Kaa'ays

Leveled



Wolayttatto Doona



Ha gujo nabbabo maxaafay Yuu Essi Eyidiyappe (USAID) beettida miishshaa maaduwaa Seev Ze Childdirenee (Save the Children), Luxettaa Moconaynne Tohossa Dalgga Manttiya Luxettaa Beeroy issippe hashetin giigidi attamettidaagaa.

2009 M.L.



The CC By license lets others distribute, adjust, and build upon this work, for free or commercially, as long as credit is given to the original creation. However, any changes from the original must be indicated.

For more info please refer: <https://creativecommons.org/licenses/>



Guuttaa Kaa'ays

Kifilee 3

Saaminttay 10

Leveled



Luxissiyageetussi Kaaletuwa

Naati nabbabuwa doommanaappe kase misiliyanne huuphe yohuwa bessidi nabbaboy odiyoba malana mala oychchite. Nabbabi simmidi wurssettan de'iya oyshata zaarana mala oottite.

Nabbabuwappe kasetiya Mali be'o
Oyshaa

Huuphe yohuwanne koohuwa bollan
de'iya misiliya xeelliyo wode ha
nabbaboy ay odanaba milatii?



Kuutafoy heezzantta kifiliyan luxees.
Kuutafy heezantta kifiliyan koyronne
sintta xeera kiyanawu halchchiis.
Hegaassi qassi I loyttidi nabbabana
koshshiyogaa eriis. Yaatidaagee
luxettay doommiyorin nabbabuwa
loyttidi doommanawu maaciis.

Kuutafoy nabbabanawu maacoppe attin A issibi keehi metees. Kaassaa aggidi nabbabanaagee A keehi metees. Gidinkka aynne hanidi nabbabanawu ba wozanan qachchiis.

Yaanidaagee issi galla bantta sooni uttidi Wolayttattuwa so oosuwa oottees. Yaanishin naati karen wocamiiddi kaa'iyogee A hayttan geliis. Yaanin, “Hachchi intte ay kaa'iyakkonne nabbabuwa aggada mule ha sohuwappe qaaxxikke,” giis.

Kuutafoy ba kahaara kare nabbabuwa aggada naatukko biikke giidi baxetees. “Taani hagaadan naati wocamo payduwan ubban woxxa baana koshshenna. Hara naati bantta so oosuwa wurssidi kaa'osona,” giidi ba qofan gencciis.

Yaanishin naatu wocamaynne miichchay haa dari dari yiis. “Kuwasiya haa shoca! Woxxa!” giyabay Kuutafo hayttan zaari zaaridi gelees. Kuutafoy kaassaa cenggurssa siyikko danidayidi uttana danidayenna.



Genccin genccinkka A wozanay woppidi
nabbabuwan wudana danddayibeenna.
Yaatin guuttaa kaa'a yaada attidaagaa
wurssana giidi dawutaraa wottidi
naatukko biis. Kuutafoy A wozanay
kaassan bayin nabbabuwa guyye
zaaridikka qoppibeenna.

Kaa'ishin sa'ay qammin ubbaykka bantta soo soo biidosona. Kuutafoy wontta guuttaa kaa'ada yaana giidaagee ha''i qamissidi simmiiddi de'ees. Hegaa hassayidi, “Ta giidoogan eqqana danndayikke gidikkinaa?” giidi yiilluwan bana oychchiis.

Tumu giyogaadan guuttaa kaa'ada simmana giida Kuutafoy qamissidi simmiis. “Hagaadan hanikko waana koyro kiyanee?” giidi ha"ikka hara oyshaa bana oychchiis. “Naa''antto guuttaa gaydda kaa'ana biikke” giidi maacidi bantta soo geliigiis.

Soo gakkidi Kuutafoy iita yiillotiis.
Qoppiyo wode daro soo oosoy
oosettibeenna. Wontto de'iya
paaciyawukka nabbabidi bana loyttidi
giigissibeenna.

Hegaa bollankka, “Guuttaa kaa'ada
simmana giidi ubbatoo biyoga waata
aggoo,” giidi qoppees. Kaalliya
gallassan kaassan balettenna mala
giidi haakki biidi nabbabanawu maaciis.
Yaatidi issi wogga mittaa matan biidi
nabbabiyogaa doommiis.




I nabbabiyo sohuwappe zinoogaadan
naati kaa'iyo sohoy qiibaa haakkees.
Gidoppe attin hachchikka naati
haahuwan kaa'iiddi beettoosona. "Hayya
ha"i eta wocamay tana balettenna,"
giidi ufayttiiddi nabbabuwa doommiis.

Kuutafoy guuttaa xaafi makkidi qooriya xoqqu giidi zephphottiddi yaa haa xeelliis. Yaanishin naati ayyoo mata sohuwan kuulumuliya kaa'iyageeta be'iis. Naati kayan kayan issoy issuwa sugi sugidi kaa'oosona.

Naati issoy issuwa sugiiddi miicciyogee kuutafa utissuwa diggiis. Eta miichchaa siyikke giidi cenggurssaa xoqqu oottidi nabbabiyogaa doomiis. Yaatin naatu wocamaa gidennan ha''i A nabbaboy awu siyettees.

Yaatin Kuutafoy, “Hachchi woriyabi
iyakkokka ha sohuwappe qaaxxikke.
Hini ta heeraagaappe haakkada yaada
qassi hagan mule balettikke. Ta
nabbabuwa wudada nabbabana,” giidi
hokkidi nabbabiyogaa doommiis.

I nabbabishin naati, “Kayay taagaa!
taagaa” giidi wocomoosona. Kuutafa
naatubay danddayissennan ixxoogee
xoqqu giidi xeelliis. Yaanishin naati
koyro kaassaa gidissidi hara kaassaa
doommidosona.



Yaatin Kuutafoy ha kuulumuliyan aybissi guuttaa kaa'ada yiikkinaa giidi qoppiis. Nabbabuwa guuttaa kaa'a yaada eesuwara nabbabada wurssana giidi dawutaraa kuwan wottidi biis. Woxxi gakkidaagee naati aggi biido kuulomuliya bollan kiyidi kaa'iyogaa doomiis.


Kaa'iya naatakka bana suganaadan odidi kuulumuliya bollan kiyidi kaa'ees. Guuttaa kaa'ada simmana giida Kuutafoy simmanawukka mule qoppenna. Nabbabanawu yiido halchchuwanne nabbabiyo dawutaraa muliya dogiis.

A dawutaraa matan qassi dorssati maataa miiddi de'oosona. Yaaniyageeti dawutaraa bantta gediyan yedhdhi yedhdhidi mooriiddi de'oosona.

Kuutafoya qassi dawutaray de'ii de'ennee giidi xoqqukka giidi xeellana koyyenna.

Yaanishin Kuutafa sugiya na'iya
Kuutafo dawutaraa dorssati
yedhdhidoogaa odaasu. Yaatin
Kuutafoy sohuwara Kuulumuliyappe
wodhdhidi woxxiiddi biis. Woxxi
biidi dorssata yedettidi eesuwan ba
kuulumuliyakko simmiis.

Dorssata yedettida kuutafoy wottan
guyye simmidi kaassaa doommiis.
Dorssati zaaridikka guyye simmidi
dawutaraa heeraa biidosona. Ha'"ikka
A kuulumuliyian sugaydda de'iya
na'iya dorssati dawutaraa yedhdhana
haniyogaa odaasu. Yaatin Kuutafoy
yiillotidi biidi dawutaraa bari
kaa'iyosaa ekkidi yiis.



Yaatidi ha"ikka guyye simmidi kaassaa
kaa'iyogaa doommiis. Kuutafoy
genccidi bari dawutaraa nabbabana
danddayibeenna. Loyttidi nabbabidi
heezzanttan koyro kiyana koyyesishin
kaassay A kahaa gaggidi balettes.

I hegaadan hanihsin koyro bakcaa paacee gakkiis. “Guuttaa kaa'ada yaana,” gii giidi nabbabana giidoogaa danddayibeenna. Assi lo”otettay balennan nababbuwa nabbabanawu halchchuwa kessiyogaa.

Gidikkonne nabbabuwa doommidi “guuttaa” gii biidi kaassan mitettidi attiigees. Halchchiyogeenne lo”o koshsha xalaalay sintta xeera kiyana mala oottenna. Naatu wocamaa siyo wodenne kaassaa be’iyo wode denddi denddidi biidi koyro kiyana danddayettenna.

Kaassaa kaa'iyo wodiyanne nabbabuwa
wodiya suure shaakkana koshshees.

Kuutafoy daro wode hegaadan
nabbabana gi gi biidi coo simmiis.

Ha ba eeshshaa laammanawu issiba
oottanawu qoppiis.

Yaatidaagee ba laggeta issippe
shiishshi etaara nabbabana giidi qopiis.
“Nabbabuwa koyyayida eta be'ada
gidennee agga aggada yiyo giidi,”
ha qofaa ehiis. Yaatidi ba laggetussi
qofaa shaakkiyogaa doommiis. Issippe
nabbabi makkidi kaassaakka issippe
kaa'aana giyo qofaa ubbawukka odidi
mayzziis.

Meeziya

- A. Kaalliya oyshata nabbabuwan amppada zaara.
1. Kuutafو metoy aybee?
 2. Kuutafو heezzantta kifiliyan woyssantta kiyanawu halchchidee?
 3. Kuutafو ba metuwa waati birshshanawu qoppidee?
 4. Kuutafо minotettay aybee?
- B. Kaalliya oyshata nabbabuwaninne ne buzo meeziyan amppada zaara
1. Kuutafо metuwa nena gidiyakko waata birshshuutee?
 2. Kuutafо heezzantan koyro kiyees gaada qoppay?
 3. Kuutafо ba eeshshan ufayttii ufayttennee? Aybissi?

